

2. Մ. Թուրունջյան

Մ. ՄԵԾՍՐԵՆՑԻ ԲԱՆԱՍՏԵՂԾԱԿԱՆ ԸՄԲՈՒՄԱՆ
ՄԻ ԱՌԱՆՁՆԱՀԱՏՏՎՈՒԹՅԱՆ ՄՍՍԻՆ

Մ. Մեծարենցի ստեղծագործական քանքարի բնորոշ առանձնահատկություններից է բանաստեղծական ըմբռնման պատկերայնությունը: Նրա բանաստեղծական գրիչը բնութագրվում է որքան խոր լիրիզմով, անմիջականությամբ և հուզականությամբ, նույնքան և նկարչականությամբ, գույների և լույսների նրբազգայնությամբ և տարրեր զգայարանների միջև գոյություն ունեցող բազմապիսի կապերն արտացոլելու արտասովոր վարպետությամբ:

Բանաստեղծական պատկերները վերլուծելիս տարբեր զգայարանների փոխադարձ ներգործման հոգեբանական օրինաչափությունների բացահայտումը արդյունավետ մեթոդ է որոշելու և գնահատելու ինչպես արտաքին աշխարհը բանաստեղծորեն զգայելու ձևերը, այնպես էլ բանաստեղծական պատկերներն ստեղծելու արվեստի դժվարին տեխնիկան:

Զգայարանների միջև գոյություն ունեցող փոխադարձ կապակցություններն իրենց օբյեկտիվ արտացոլումն են գտնում հոգեբանական և ֆիզիոլոգիական զրականության մեջ հայտնի սրնեսքեզիայի երևույթի մեջ: Սովետական հոգեբաններից հատկապես Ս. Վ. Գրավկովը, Կ. խ. Գեկչյանը, Ծ. Ն. Սեմենով-սկայան, Լ. Ա. Շվարցը և ուրիշներ հավաքել են փաստական հարուստ նյութեր և բացահայտել զգայարանների փոխադարձ ներգործման և սինեսթեզիայի հետ կապված մի շարք կարևոր օրինաչափություններ: Սինեսթեզիայի երևույթը դեռևս անցյալ դարի վերջերին հատուկ ուսումնասիրությունների առարկա է զարձակել նաև արևմտաեվրոպական մի շարք հետազոտողների կողմից (Ֆեխներ, Նուսպաուդեր, Ռիբո, Ֆլուրնուա, Կլապարեդ):

Սինեսթեզիայի առաջացման ժամանակ մի զգայարանի գրգռումը առաջացնում է, մի կողմից, համապատասխան զգայություն, իսկ մյուս կողմից, մի այլ, կողմնակի զգայություն կամ մտապատկեր՝ կապված մի ուրիշ զգայարանի գործունեության հետ: Սինեսթեզիայի առաջացման ժամանակ գրգռվածություններն են երկակի ներգործում, մեկը՝ այդ գրգռիչի համապատասխան զգայություն, և երկրորդը՝ դրա հետ առավել կամ նվազ կապված մի այլ զգայարանի համար բնորոշ զգայություն: Շատ հաճախ այս կամ այն երևույթը կամ տպավորությունը բնորոշելու և ավելի զննական դարձնելու համար մենք դիմում ենք ոչ միայն մի, այլև երկրորդ զգայարանին: Այսպես, օրինակ, շատ անգամ դորժածում ենք այնպիսի պատկերավոր արտահայտություններ, ինչպիսիք են «բյուրեղյա ձայն», «սառը գույն», «քաղցր երազ», «գունեղ երաժշտություն», «խոսում աչքեր», «թթված դեմք», «ոսկի հեքիաթ», «անուշ ժպիտ» և այլն: Ինչպես նկատելի է, մի երկրորդ զգայարանի միջոցով ստացած զգայական պատկերը՝ գույնը կամ ձայնը, համը կամ սառնությունը ամրապնդում և ավելի ուժեղ է դարձնում առաջին զգայարանի միջոցով ստացած տպավորությունը և նրա բառային արտահայտությունը:

Սինեսթեզիական տարբեր պատկերների առաջացումը պայմանավորված է հիմնականում մարդու խառնվածքային առանձնահատկություններով: Խառնվածքի գեղարվեստական տիպին պատկանող մարդիկ, որոնց մոտ դերիշխում են պատկերային մտածողությունը, էմոցիոնալ տպավորություններն ու բռնկումները, հակում ունեն հրեույթների նկատմամբ սուբյեկտիվ, զգացմունքային ուժեղ վերաբերմունք ցուցաբերելու: Ստեղծագործական երևակայության և զգացմունքների ուժով նրանց մոտ առաջանում են պատկերների և զգայական բարդ ներգործումների անսովոր զուգորդումներ:

Ինչպես հայտնի է, ռուս կոմպոզիտորներից Ռիմսկի-Կորսակովը, Սկրյաբինը, Ասաֆյևը օժտված են եղել զարգացման բարձր աստիճանի հասած «գույնային լսողությամբ» (ֆոտիզմով): Ռիմսկի-Կորսակովը բացառիկ զգացողություն է ցուցաբերել ֆոտիզմի նկատմամբ: Երաժշտական տարբեր տոնալիտետները նրա մոտ շաղկապվել են գույնային տարբեր զգայությունների հետ: Այսպես, օրինակ, դո-մաժորը կապված է եղել սպիտակի, ֆա-մաժորը՝ կանաչի, լյա-միժորը՝ բաց վարդագույնի, իսկ լյա-բեմոլ-մաժորը՝ մեղմ մանուշակագույնի հետ: Նրա գույնային լսողության համար բնորոշ է եղել նաև տարբեր ձայնային տոների զուգորդումը զգացմունքային տարբեր վիճակների և բնանկարների մտապատկերման հետ (երազային, դարնանային, սլաստորույլ, արշալույսային և այլն): Սինեսթեզիական պատկերները յուրահատուկ տեղ են գրավել Ռիմսկի-Կորսակովի երաժշտական-նկարչական մտածողության զարգացման մեջ:

Հասկանալի է, որ նաև ակադեմիկոս Բ. Ասաֆյևի¹ նշումներն իր սեփական սինեսթեզիայի առանձնահատկությունների մասին: Իր գույնային և տոնային զգայությունները «մանկությունից բնածին» համարելով, նա ասում է, որ բեմոլ տոնալություններից սի-բեմոլ-մաժորը իր մոտ առաջացրել է փղոսկրի գույն, մի-բեմոլ-մաժորը՝ երկնագույն և լազուր, լյա-բեմոլ-մաժորը՝ բաց կառնիք, դիեզ տոնալություններից սոլ-մաժորը իր մոտ զուգորդված է եղել զմրուխտ կանաչի, դե-մաժորը՝ արևափայլ շողերի. մի-մաժորը՝ աստղազարդ երկնքի զգայության հետ և այլն:

Անհրաժեշտ է նշել, որ մեր կատարած նախնական պրպտումները Պ. Դուրյանի, Վ. Տերյանի, Դ. Վարուժանի և Ե. Չարենցի ստեղծագործություններում ցույց են տալիս, որ նրանց բանաստեղծական ըմբռման մեջ սինեսթեզիան որոշակի առանձնահատկություն է կազմում: Տերյանի համար հեքիաթը տսկի վ, լուսեղեն, Երազը՝ արծաթի, կապուտաշյալ նրա մի շարք բանաստեղծություններում («Անծանոթ աղջկան», «Հիվանդ» և այլն) մենք դռնում ենք լսողական և տեսողական զգայությունների զուգորդումներ («Լույս հնչյուններ»): այսպես, օրինակ.

Աղբյուրն անուշ հեքիաթի պես
Իր լույս երգով ժպտում էր մեզ:

Կամ՝

Մի լույս երգ է իմ հոգում ննջել...
(Ընդգծումները մերն են — Հ. Բ.)

¹ Б. Асафьев, Встречи и раздумья. журн. «Советская музыка», № 1, 1955, стр. 57.

Հուզական տուրբեր տեսլություններն են սպրումների ժամանակ փոխվում է Չարենցի դուռնադպրությունը: «Երջանկության առասպելը կապուտաշյա» է նրա համար. հողին՝ մանուշակագույն, մորմորը և կարոտը՝ կապույտ, հրմայքը՝ դեղին, իսկ երկունքը՝ կարմիր: Գունադրությունն այս առաջացումն իր մեջ պայմանական կամ ձևական ոչինչ չունի, այլ բանաստեղծական մտածողության և ապրումների յուրահատկություն է՝ կապված սոսկածագործողի խառնվածքային կերտվածքի և զգայաձևերի հետ:

Հայ քնարերգության պատմության մեջ Մեծարենցի օգտագործած ինքնուրույն և հարուստ բառապաշարը բերեց նորություն ու թարմություն այն պատճառով, որ նրա ինքնատիպ զգացողության ձևերն ու միջոցները պարտագրել են արտահայտման նոր եղանակներ, մինչև այդ շօտագործված պատկերներ տւրաւեր: Այդ նոր բառերը՝ թրծվելով նրա բանաստեղծական զգացողության խառնարանում, ստեղծել են տեսողական, լսողական և հոտառական բնույթի նոր պատկերներ: Մեծարենցի արվեստի համար այնքան բնորոշ հանդիսացող բանաստեղծական հազվագյուտ բառապաշարը վկայում է նրա լեզվի և ոճի ինքնատիպության, նրա նրբահյուս զգայությունների և զգացմունքների ինտենսիվության ու հարստության մասին:

Լույսի և մութի, ձայների և դուլների, բույրերի և ձևերի արտասովոր զգացողությունը Մեծարենցին դարձրել է բնության մեծասաղանդ երգիչ և նկարիչ:

Եկո՛ւր, անցնինք ծառաստանեն այս Լույսին,
Ու բացատքեն Գուլնին, Ձևին տւ Բույրին,
Եկո՛ւր, Հոգի՛ս, եկուր երթանք միասին,
Մինչև եդեմն աստվածաձայն, մինչև Կին...: (2)

Այս քառյակը բանաստեղծական ապրումի գեղարվեստական կերտումը չէ միայն, այլև մեծարենցյան քնարերգության համար ելակետային նշանակություն ունեցող էսթետիկական հայացք, որն ավելի պարզ ու բնորոշ է դառնում հետևյալ տողերի մեջ. «Ես պիտի թրթռամ, տերևներուն հետ, թռչուններուն հետ, հովին հետ. բոլոր ձայներուն, բոլոր երանգներուն, բոլոր բուրումներուն հետ, ես տակավին պիտի սարսռամ հոս իմ երգս, ուռիներու շուքին տակ, դալարասուվեր հովտին ծոցը» (էջ 212):

Մեծարենցի բանաստեղծական ինքնատիպ խառնվածքի էությունից և զգայական հարուստ փորձից են բխում նրա ջերմաշունչ բաղձանքները «ըլլալու» լույս ու ձև, երանգ ու թրթռում, երգ ու բույր և նույնաճաշու բնության կյանքի հետ: Բնության բազմապիսի ու խոր զգացողությունը նրա լուսահորդ տւ գունագեղ բանաստեղծությունների մեջ անզսպելի ուժով ստեղծել է ոտանավորից ոտանավոր հայտնվող տեսողական, լսողական, հոտառական և այլ պատկերներ, տրոնց անսովոր զուգորդումներից առաջացել են սինեսթեզիական թարմ ու զարմանալի զգայապատկերներ:

Սինեսթեզիայի ընդհանուր օրինաչափությունը Մեծարենցի մոտ արտահայտվում է նրանում, որ ինչպես զգացումը, այնպես և գաղափարը, խոհերը «ծիածանի երանգ» են ստանում: Բանաստեղծության մեջ իշխող տրամադրության և բնության ներկայացրած ժամանակի տւ եղանակի համաձայն, իղձը

² Մ. Մեծարենց, Երկերի ժողովածու, 1936, Երևան, էջ 94. հետագա մեջբերումները նույն հրատարակությունից:

կամ հրճվանքը դառնում է բոսոր, ձերմակ կամ կապույտ, իսկ գաղափարը՝ սպիտակ, խոհերը՝ ձիւրանի:

Սինեսթեզիայի հիմնական և ամենից ավելի տարածված տեսակը՝ ֆոտիզմը (ձայնի վերածումը գույնի, տեսողական պատկերի) նրա մոտ արտահայտվում է գույնային ամբողջական, ինքնուրույն պատկերներով: Մեծարենցյան այդ պատկերները որքան լսողական և տեսողական (դույնային) սերտ կապակցությունների, նույնքան և ստեղծագործական վառ երևակայության անմիջական արդյունք են, որոնք յուրահատուկ ղեղեկություն և թարմություն են տալիս նրա բանաստեղծություններին: Նրա մոտ ֆոտիզմի բնորոշ պատկերներ են՝ «...ջութակի սարսուռին զիծր կարմիր...» (էջ 72), «Երգը՝ իղձի և հառաչի քել մըն է հիր» (էջ 98), «Վառ գույներով դրասանգված երգը կյանքին» (էջ 182), «Ձայնին ժապավենը դեռ կերկարածգվեր» (էջ 230), «Փափուկ արծաթի շավիղ մո ձայնի» (էջ 65), «Եվ երգի բուլ մը կուգա պլլված իր դոտիին» (էջ 90), երգը «Նուրբ կամրջակ մը ոսկի» (էջ 105): «Ջրտուփ» ոտանավորի մեջ Մեծարենցը, խոսելով «լուսնակով արբշիռ» ծղրիղների զրույցի մասին, ֆոտիզմի ուժով, մեծ վարպետությամբ ստեղծել է հետևյալ նուրբ պատկերը.

Ու կ'երկարի լուսաբծաք ժապավենն այդ բարբառին,
Ինչպես փախչող ասուպի կոթոնները կաթնավետ. (էջ 9)

Ջգայությունների զարմանահրաշ զուգորդումով ձայնը վերածվում է տեսանելի, շոշափելի, փնչպես և հոտավետ իրի: «Երբեմն ալ,— ասում է Մեծարենցը,— խաղաղիկ իրիկուններ՝ կը կարծես լսել ձայն մը համբույրներեն ավելի գգվոտ՝ որ հոգիս կը փայփայեր. երկարածիգ, մեղեդիի սըլվըլյուն մըն էր ան, բուրումնավետ ժապավեն՝ որուն հեշտութենեն ռունգերս կը սարսռային...» (էջ 229—230, ընդգծումը մերն է — Հ. Թ.): Այստեղ, բացի հոտի զգայությունից, մյուս զգայարանները, նույնիսկ մաշկային զգայությունը («համբույրներեն ավելի գգվոտ»), ունեն իրենց յուրահատուկ մասնակցությունը տվյալ սինեսթեզիական պատկերների ստեղծման մեջ:

Ինչպես ցույց են տվել հատուկ ուսումնասիրությունները, էթե 600 մարդուց միայն 4-ի մոտ է նկատվել ֆոնիզմը (դույնի, պատկերի վերածումը ձայնի), ապա տրքան հատկանշական է, որ նույնիսկ Մեծարենցի նման սինեսթեզիայի արտասովոր հատկություններով օժտված բանաստեղծի ողջ ստեղծագործության մեջ ֆոնիզմի հազիվ յոթ փաստ կարելի է գտնել: Այս հանգամանքը խոսում է ոչ միայն տվյալ երևույթի իրստ հազվադեպ լինելու, այլև այն մասին, որ նման պատկերների ստեղծումը չի եղել կեղծ, ինքնանպատակ և բանագողված, ինչպես ժամանակին գտնում էին նմուք Արմենների և Փայլակների նման «հտպիտները» (Մեծարենց): Այդպիսի պատկերների ստեղծումը պայմանավորված լինելով նրա հոգեբանական յուրահատկությամբ, վկայում է նրա անհատականության մի արժեքավոր կողմի մասին, որն իր որոշակի դրոշմն է դրել նրա գրական ժառանգության վրա:

Ֆոնիզմը Մեծարենցի մոտ արտահայտվում է նրանում, որ լույսը, դույնը և անհնչել իրը կամ երևույթը օժտված են ձայնական հատկությամբ. այսպես,

օրինակ.

Ու ճառագայթներ՝
Որ զիս կը կանչեն:

կամ՝

Եվ արևի՛ն կը սպասեմ ես ցնծապատար,
Միտքս երազով լեցածն համակ, ձեռքս ծափո՛ւմ,
Ունկնդրելու զանգակն անոր պատարագին:
(Ձյունի ցնծություն, էջ 96)
(Հնդգծումները մերն են — Ն. Թ.)

Ֆոնիզմը նրա մոտ հասնում է այնպիսի աստիճանի, որ նույնիսկ մտապատկերները, հասկացությունները, գաղափարները և ապրումներն առաջացնում են բազմապիսի ձայներ: Նրա մոտ ֆոնիզմի բնորոշ արտահայտություններից են՝ «Ծափ կզարնեն իմ հուշեր», «...ծափեցին իմ երազներս ծնծղա» (էջ 93):

Սինեսթեզիայի հազվագեպ տեսակներից մեկն է նաև հոտառության և հասի սինեսթեզիան, որին նույնպես հաճախ ենք հանդիպում Մեծարենցի բանաստեղծություններում: Սինեսթեզիայի տվյալ ձևի համար բնորոշ է հոտառական և համի զգայությունների և մտապատկերների առաջացումը երգային կամ առհասարակ ձայնային տպավորությունների ներգործման ժամանակ: «Ահա՛ վասիկ իմ երգս, — ասում է բանաստեղծը, — առվեզերքի անուխին ու ռեհանին խունկովը օծուն. ահա՛ վասիկ իմ երգս, հնձված արտերուն ու հերկված հողերում բույրտովը, արևեփ խաղողներուն ու մեղրացած թուզերուն անուշուրովը սկաղծուն» (էջ 211): Նրա համար երգը, որ «բյուրազան բուրմունքների խորձմրն է» (էջ 211), ոչ միայն թելադրում է նրան զգայուն կամ պատկերացնելու համն ու հոտը մրգի կամ ծաղկի, այլև նա դառնում է «բուրմունքի հեշտ երգ»: Հետևաբար, ձայնն տևելով զուգորդվում են որքան նրանդների ու լուսեղեն պատկերների, նույնքան էլ «հեշտագրգիռ» բույրերի հետ: Այս փաստը վկայում է նաև այն մասին, թե զարգացման ինչքան բարձր աստիճանի են հասել Մեծարենցի հոտառական և համի զգայարանները: Նրա համար ամեն իր լի է բուրմունքով, իսկ՝

Գիշերն անուշ է, գիշերն հեշտագին,
Հաշիշով օծումն ու բալասանով.
(Սիրերգ, էջ 23)

կամ՝

Համբույրիդ գիշե՛ր, պատուհանս է բաց,
Թող որ լիառատ ծծեմ հեշտագին
Կաթը մեղմահոս լույսիդ տարփանքին՝
Ու զով շողերուդ կախարդանքը թաց:
(Ձմռան պարզ գիշեր, էջ 21)

Ինքնըստինքյան հասկանալի է, որ նուրբ հոտառության ու դրա հետ սերտ կապված համի զգայության բարդ կապակցությունների հիման վրա միայն կարող է առաջանալ հոտառական սինեսթեզիան՝ զուգորդվելով գույների պատճառած հուզական այս կամ այն ապրումի հետ:

Մեծարենցի մոտ սինեսթեզիայի արտահայտման առանձնահատկություն-

ներից մեկն էլ այն է, որ շատ հաճախ առանձին բառեր, որոնք արտահայտում են ինքնուրույն պատկերներ կամ գործողություններ, իրենց մեջ բովանդակում են մի քանի զգայությունների զուգորդումներ. այդպիսի բառերից են՝ ձայներիզ, երփներզել, ժպտերզել։ Այսպիսի բառերը սինեսթեզիայի բնորոշ արտահայտություններ են։

Սինեսթեզիայի երևույթի այս բազմապիսի և ինքնատիպ դրսևորումները կազմում են Մ. Մեծարենցի, այս «հանճարեղ պատանու» (Ե. Չարենց) բանաստեղծական ըմբռնման ամենաբնորոշ և արժեքավոր առանձնահատկություններից մեկը, որի վրա քիչ ուշադրություն է դարձված եղել։